

Transkription von Stadtbucheintrag SDL 1341b

Ort, Datierung: Stendal, 1341-03-04

Signatur: Stadtarchiv Hansestadt Stendal, U1, 69b, Altes Stadtbuch, Bl. 18v

Inhalt: Rat der Stadt Stendal: Rechtsurteil

wie don witlich iuwer wisheit . dat die / Ratman von tangh(er)mu(n)d(e) met den meÿsteren der .
ghulden na / w(o)lbort ¹ der menheÿt in der bursprake hebben ghe wilkoret / dat sie wolden heghen
eÿne weÿde dor nut der stat . die weÿ=/de hegheden de ratman . vortmer ² duchte den ratmannen / dat
it der stat euener queme dat de mes in der stat / queme uppe den acker der stat . denne dat me ene /
uter stat vore . vnde wilkoreden dat mit den guldemeste=/ren in der bursprake dat den mes neman vter
stat vor/kopen scal . Dese stücke die hebbe wie ghe holden vnde hol=/den se noch . des is ghe komen
eÿn vser burghere vnde heft / ghe sproken vor deme sittenden Rade dat wie eme in desse(n) / stucken
vnrecht hebben ghe dan vnde willen ene eÿghen / maken . Des dunket vs dat he vs spreke vp vse ede .
Des / bidde wi vnde . varghen eÿnes rechtes . uft he dar ich ane bro=/ken hebbe vnde wat . sin ghe
broke si vn(de) an weme he ghe / broken hebbe . hir vp spreke we radma(nne) to stendal vorbenomet /
vor eÿn recht moghe gi des vol komen metteme sittenden stule des rades dat juwe borgh(er) sproken
heft vp juwe / ede so schal juwe borgh(er) de vp juwe ede sproken heft jowel=/kem radma(n) sine bote
gheue(n) de is jowelkem radma(n) sessen=/drittich schillinghe . dat id recht si dat bethughe we met /
vsme ingheseghel . datu(m) anno d(o)m(ini) CCCX p(ri)mo fe(stum) feria reminiscere

¹ o in wolbort über der Zeile eingefügt

² t in vortmer über der Zeile eingefügt